

【教育部新聞稿】(閩南語音檔)

閩南語朗讀文章開始徵稿 歡迎逐家相招來投稿

發布日期：113年6月12日

發稿單位：終身教育司

承辦人：陳怡寧

電話/手機：(02)7736-6810/0970-996-228

E-mail：iling@mail.moe.gov.tw

新聞聯絡人：黃鈺維科長

電話/手機：(02)7736-6801/0920-643-887

教育部113年「全國語文競賽之閩南語朗讀文章」徵稿的活動對6月初1就欲開始囉，文章的題材請以趣味、通反映現實生活的為主。文章若入選猶閣有稿費通領喔，歡迎逐家樓頂招樓跤，阿母招阿爸相招來投稿。

文化是語言的底蒂，語言是文化的展現。配合全國語文競賽就欲起鼓矣，今也欲辦理閩南語朗讀文章徵稿，目的除去欲予國賽的文章閣較豐富、多元掠外，窮其實也是欲藉這個機會創造閩南語的書寫平台，鼓勵逐家會當用家己的母語創作，予咱通用筆尖來書寫咱家己母語的飭(thik)、母語的嬌。

請投稿者先按文章的內容家己評估，看是較合學生因仔讀的抑是大人讀的文章的字數以700字到750字(含標點符號)做制限。內容用字的部份，為著欲予參加全國語文競賽的選手較緊猛就通查著辭典的詞目俗發音，較加漢字嘛著以教育部《臺灣閩南語常用詞辭典》的規範為主。有一寡情形會當用「臺灣閩南語羅馬字拼音方案」書寫，詳細的情形請參考活動的簡章。

教育部113年「全國語文競賽之閩南語朗讀文章」徵稿的活動到7月31，今年度徵稿的簡章刊佇徵文的網站 (<https://sites.google.com/view/koksailongthok>)，敬請參考。若猶有其他針對徵稿的問題，請佇拜一到拜五早起8點半到中晝12點，下晡點半到5點半聯絡承辦單位國立臺中教育大學。服務專線：(04)2218-3815；嘛有服務信箱：koksailongthok@gmail.com。